



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 11. Mutis duobus subuenitur, eorumq; alteri lingua restituitur.

[urn:nbn:de:hbz:466:1-64112](#)

nam spectare coepit. Nocte quadam acri oculo sum dolore excitus è somno, in ipso grabato, ubi iacebat, submittit genua venerabundus: Deiparam Lauretanam enixe inuocat: veniam à Deo, lumenque sanitatem per eam exposcit. si voti compos fiat, se Aedem Lauretanam aditurū vouet. Et votum Deo, Deiparæque cordi fuit. Cum recubuisse Thomas, dulci correptus somno paulisper quietuit. Inde euigilans orti iam solis lucem sanis, ac vegetis oculis latus hausit.

Mutis duobus B. Virgo subuenit, alteri lingua r̄sum, alteri exsectam linguam restituens.

Cap. X I.

Nec in cæcos B. Virgo benignior, quam in mutos fuit. Ioannis Vbaldi Patauini clarissimi copiarum Ducis paruus filius comitali oppressus morbo, v̄sum amiserat linguæ. Iam triennium mutus, atque æger iacebat, cum eius pater desperata medicorum ope, Lauretanæ Virginis implorauit auxilium. Et auditæ paternæ pro filio preces. Extemplo puer pristinam non tantum linguæ, sed corporis quoque diuinitus recuperat sanitatem. Igitur anno M. D. LXIII. Lauretum à patre adductus: Deiparæ Virginis ab utroque grates actæ: vota impense redditæ: tota res Lauretano Præfidi, alijsque compluribus enarrata. Cæterum illud, vel maxime admirabile. Samnitum Prætor Lau retum petens Ciuitellam diuerterat. Ibi nefarium hominem deprehendit assuetum in Deum, ac Virginem Lauretanam, impia subinde verba iactare. Ergo infensus ira protinus exempli prodendi causa, vñsanam magniloquētiā exlecta sacrilego lingua vindicauit. Neque hoc contentus, eundem in custodiam traditum asseruari sedulo iubet, quoad ipse Laureto regressus decerneret, an esset poena grauiore multandus. Itaque miser ille supplicio

*Ann. Lant.
Rier.*

Aa sumpto

sumpto æger, intentato solicitus aliquando resipuit, &
 scelere in cultum verso, dies noctesque Lauretanam Vir-
 ginem tacitis placare precibus, votisque institit, obsecrās,
 vt infensam sibi Proregis leniret irā: daretque facultatem
 animi labes sacra confessione expiandi. Nec ingratæ Vir-
 gini, irritæ exstiterunt impij hominis resipiscentis pre-
 ces. Haud multo post species Deiparæ illi in somnis obla-
 ta est iubentis eum bono animo esse: breui fore, vt custo-
 dia emissus ad Lauretanam Aedem pergeret: ibique pec-
 cata confiteretur, nouæ linguae subsidio. Prædictionem
 comprobauit euentus. Experrecto quædam quasi lingua
 renasci coepit, qua haud sane ægre sensa expromeret
 mentis. Et Prorex Laureto reuersus re cognita, parcendū
 existimauit, cui Virgo ipsa pepercisset. Confestim igitur
 eum liberum dimittit monitum, vt suo posthac periculo
 saperet. Datisque ad Pœnitentiarios litteris miraculi te-
 stibus, Lauretum destinat gaudio gestientem ad vota red-
 denda. Quo vbi venit, haud magis Proregis epistola, quā
 res ipsa miraculi fidem omnibus fecit. Quippe patefacto
 oris hiatu (mira dictu, mirabilior visu res) simul recisam
 linguam, simul lingulam quandam subnascentem vide-
 bant, & tamen vbi ille vellet, quanquam blefo ore, au-
 diebant loquentem. Neque hic stetit res. Postquam do-
 dum reuertit, sacris mysterijs bis, terue perceptis, noua
 lingua ad iustum magnitudinem nouo excreuit miraculo.
 Itaque Lauretum denuo ad agendas Deiparæ grates pro-
 fectus, ijs ipsis, qui exselectam paulo ante linguam vide-
 rant (quorum ex numero Raphael Riera fuit, qui hæc me-
 moriæ prodidit) immortali B. Mariæ dono renatam osten-
 dit, cunctis rei nouitate atque admiratione attonitis, &
 tam eximum, tamque illustre miraculum B. Virginis gra-
 tulantibus.

etiam

A

Indens